

Israel mengaku salah serang konvoi

Laporan siasatan rejim bongkak itu tetap pertahan tindakan askar tembak aktivis kemanusiaan Gaza

Siner harian 14/07/2010 MIS N 21

TEL AVIV - Suruhanjaya siasatan tentera Israel mengakui terdapat kecacatan di dalam perancangan pihak tentera semasa serangan berdarah ke atas konvoi kemanusiaan ke Gaza, menurut laporan rasmi siasatan itu, kelmarin.

Laporan itu menyebut, unit tentera laut Pasukan Pertahanan Israel (IDF) gagal menjangka kemungkinan berlaku keganasan semasa cubaan merampas kapal bantuan tersebut.

Bagaimanapun, laporan itu tetap mempertahankan tindakan ganas tentera rejim yang melepaskan tembakan ke arah aktivis keamanan, dengan alasan kononnya tentera diserang aktivis di atas kapal induk, Mavi Marmara.

Laporan itu turut mengkritik perancang operasi tersebut kerana tidak me-

rangka rancangan sokongan semasa cubaan menghalang kapal itu menuju ke Gaza.

Ketua suruhanjaya itu, Giora Eiland berkata, operasi rampasan bertukar menjadi kelam-kabut berikutan kekurangan maklumat perisikan dan masalah komunikasi di antara beberapa unit keselamatan.

"Jika esok kami menghadapi kapal konvoi yang sama, kami mampu menghentikannya," katanya.

Eiland juga mengulangi tuduhan rejim Israel ke atas aktivis konvoi itu yang dilabelkan sebagai 'kumpulan ganas' bagi mempertahankan tindakan askar rejim membunuh sembilan aktivis semasa serangan pada 31 Mei lalu.

"Jika terdapat puluhan orang di atas kapal dengan senjata dan bersedia mem-

bunuh tentera, kami tidak boleh menjamin mereka tidak akan dibunuh," katanya dalam sidang media.

Seperti yang dijangkakan, suruhanjaya siasatan yang ditubuhkan IDF itu mengeluarkan laporan dengan berhati-hati tanpa mencadangkan sebarang tindakan disiplin dikenakan kepada mana-mana pegawai tentera.



● GIORA EILAND



● Antara mayat aktivis yang dibunuh tentera rejim Israel di atas kapal Mavi Marmara, 31 Mei lalu.



● Tentera Israel mengakui serangan ke atas konvoi bantuan ke Gaza adalah satu kesilapan.



● Tentera Israel bersedia di atas kapal perang semasa rampasan kapal konvoi bantuan ke Gaza, Mei lalu.